

第二集

粵雅堂叢書

南部新書

第二集

粵雅堂藏書

南印新書

南部新書庚

錢後人希白

李敬彝宅在洛陽毓材坊土地最靈家人張行周事之  
有應未大水前預夢告求飲食至其日率其類過水  
頭並不衝圯

邱爲致仕還鄉特給祿俸之半旣丁母喪州郡疑所給  
請于觀察使韓滉滉以爲授官致仕本不理務特令  
給祿以恩養老臣不可在喪爲異命仍舊給之唯春  
秋二時羊酒之直則不給雖程式無文見稱折衷

開元末有人好食羊頭者常晨出有怪在焉羊頭人身  
衣冠甚偉告其人曰吾未之神也其屬在羊吾以爾  
好食羊頭故來求汝汝輟食則已若不己吾將殺焉  
其人大懼遂不復食

至德二載十月二十二日豐樂里開業寺有神人足跡  
甚多自寺門至佛殿先是閻人宿門下夢一人長二  
丈餘被金甲執槊立于寺門外俄而以手軋其門扁  
鏑盡解神人卽免而入寺行至佛殿顧望久之而沒  
閻人驚寤及曉視其門已開矣卽具以夢白于寺僧

共視見神人之跡遂告京兆以聞肅皇命中使驗之  
如其言

段成式姪女乳母阿史本荊州人嘗言小時見鄰居百  
姓孔謙籬下有蚓口露雙齒肚下足如虻長尺五行  
疾于常蚓謙惡遽殺之其年謙喪母及兄叔因不可  
得活

長安安邑坊元法寺者本里人張頻宅也頻嘗供養一  
僧僧念法華經爲業積十餘年張門人譖僧通其侍  
婢因以他事殺之僧死後闔宅常聞經聲不絕張等

知其冤因捨宅爲寺

建中二年南方貢朱采鳥形如戴勝善巧語養于宮中  
斃于巨鷗內人有金花紙上爲寫多心經者尋泚犯  
禁闈亦朱采之兆也

元和以來舉人用虛語策子作賦若使陳詩觀風乃教  
人以妄爾

沃州山禪院在剡縣南三十里頗爲勝境本白道猷居  
之太和二年有頭陀白寂然重修白居易作記白君  
自云白道猷肇開茲山白寂然嗣興茲山白樂天垂

文茲山沃州與白氏有緣乎

吳郡陸懷素貞觀二十年失火屋宇焚燒並從烟滅唯金剛般若經獨存函及標軸亦盡唯經字竟如故

房光庭嘗送親故葬出定鼎門際晚且饑卽鬻蒸餅者與同行數人食之素不持錢無以酬直鬻者逼之房命就我取直鬻者不從房曰與爾頭銜我右臺御史也可隨取直時人賞其放逸

長安四年十月陰雨雪百餘日不見星明年正月誅張易之等

裴洎入相之年才四十四鬚髮盡白

杭州靈隱寺多桂寺僧云此月中種也至今中秋望夜  
往往子墜寺僧亦嘗拾得而巖頂崖根後產奇花氣  
香而色紫芳麗可愛人無有知其名者招賢寺僧取  
而植之郡守白樂天尤愛賞因名曰紫陽花

溫璋爲京兆尹一日聞挽鈴者三乃一鷓也尹曰是必  
有探其雛者來訴爾命吏隨之果得探雛者乃斃之  
天寶末有密採豔色者當時號爲花鳥使呂向

一本獻作尚獻

美人賦以諷之

有人問趙州師年多少師曰一串念珠使不盡終年一百二十歲

美法師至中印度居那爛陀寺館于幼日那院覺賢房第四重閣日供步羅果一百二十枚大人米等

吳融字子華越州人弟蛻亦爲拾遺蛻子程爲吳越丞相尙武肅女程子光謙光遠二人皆爲元帥府推官入京並除著作郎皆去光字謙尊卒遠終于水部郎中累牧藩郡

咸通中令狐綯嘗夢李德裕訴云吾獲罪先朝過亦非

大已得請于帝矣子方持衡柄誠爲吾請俾窮荒孤  
骨得歸葬洛陽斯無恨矣他日令狐率同列上奏懿  
皇允納卒獲歸葬

孔子廟始貞觀年立之文皇書額頃武后權政額中加  
大周二字至大中四年馮審爲祭酒始奏琢去之

丙外官職田三月三十日水田四月三十日麥田九月  
三十日已前上者入後人已後上者入前人

程元振率兵經畧河北夜襲鄴俘其男女千人去鄴八  
十里閩婦人有乳汁者九十餘人放歸鄴鄴人爲之

設齋

苗晉卿爲東都留守有健士屢犯科禁罪當杖罰謂之  
曰留守鞭武人甚易捨之甚難捨人之所易遂捨之  
武人自勵卒成善士

含元殿側龍尾道自平階上凡詰屈七轉由丹鳳門北  
望宛如龍尾下垂于地兩垠欄檻悉以青石爲之至  
今石柱猶有存者興慶宮九龍池在大同殿古基之  
南西對瀛洲門周環數頃水極深廣北望之渺然東  
西微狹中有龍潭泉源不竭雖歷冬夏未嘗減耗池

四岸植嘉木垂柳先之槐次之榆又次之兵寇以來  
多被翦伐

南中紅蕉花色紅有蝙蝠集花中南人呼爲紅蝠

景通禪師初參仰山後住晉州霍山化緣將畢先備薪  
于郊野徧辭檀信食訖行至薪所謂弟子曰日午當  
來報至日午師自執燭登積薪上以笠置頂後作圓  
光相手執拄杖作降魔杵勢立終于紅焰中

滕王蛺蝶圖有名江夏斑大海眼小海眼村裏來菜花

子

令狐相緇以姓氏少族人。有投者不愜其力。由是遠近皆趨之。至有姓胡冒令狐者。進士溫庭筠戲爲詞曰：自從元老登庸後，天下諸胡悉帶令。

貞觀六年，王珪任侍中，通貴漸久，不營私廟。四時猶祭于寢，爲有司所彈。文皇優容之，特爲置廟于永樂坊東北角。

司刑司直陳希閔以非才任官，庶事凝滯。司刑府史目之爲高手筆，言秉筆支領半日不下，因曰：「高手筆又號按孔子言竄削至多紙面穿穴，故名按孔子。」

百部新書  
陳懷卿嶺南人也養鴨百餘頭後于鴨欄中除糞糞中  
有光燭燭然試以盆水沙汰之得金十兩乃覘所食  
處于舍後山足下因鑿有甃金銷得數千斤時人莫  
知懷卿遂巨富仕至梧州刺史

舊志吳修爲廣州刺史未至州有五仙人騎五色羊負  
五穀而來今州廳梁上畫五仙人騎五色羊爲瑞故  
廣南謂之五羊城

裴旻山行有山蜘蛛垂絲如匹布將及旻旻引弓射殺  
之大如車輪因斷其絲數尺收之部下有金瘡者剪

公主婦禮宜依士庶

一行老病將死元皇執手問之曰更有何事相救行曰  
尙有二事其一曰勿遣胡人掌重兵不獲已用之勿  
與內宴若使見富貴必反逆以取其二曰禁兵勿付  
漢官須令內官監統及幸蜀臨渭水與肅皇別歎曰  
吾不用一行之言後方置神策軍又一說臨終留一  
物令弟子進上發之乃蜀當歸上初不喻及西幸方

悟微旨

貞元中仕進道塞奏請難行東省數月閉門南臺唯一

百音系書三  
御史令狐楚爲桂府白身判官七八年奏官不下由  
是兩河競辟才嚮抱器之士往往歸之用爲謀主日  
以恣橫元和以來始進用有序

大足元年則天嘗引中書舍人陸餘慶入令草詔餘慶  
遲迴至晚竟不能裁一詞由是轉左司郎中

貞元初中書舍人五員俱缺在省唯高參一人未幾亦  
以病免唯庫部郎中張濛獨知制誥宰相張延賞李  
泌累以才可者上聞皆不許其月濛以姊喪給假或  
草詔宰相命他官爲之書省按牘不行十餘日

華嶽雲臺觀中方之上有石崛起如半甕之狀名曰甕  
肚峯上嘗賞望嘉其高迴欲于峯肚大鑿開元二字  
填以白石令百餘里望見諫官上言乃止

武皇帝夢爲虎所趨命京兆同華格虎以進至大中卽  
屬虎

開元末於宏農古函谷關得寶符白石赤文正成桑字  
識者解之云桑者四十八字也所以示聖上御歷數  
也及幸蜀之來歲正四十八矣初得寶之時天下歌  
之遂改元天寶